

前
汉
书

天文志第六

漢書二十六

正義大夫行祕書少監琅邪縣開國子顏師古注

凡天文在圖籍昭昭可知者經星常宿中外官凡百一十八名積

數七百八十三星皆有州國官宮物類之象其伏見蚤晚邪正存

亡虛實闊陋

孟康曰伏見早晚謂五星也日月五星下道為邪存謂列宿不虧也亡謂恒星不見虛實若天牢星實則囚多虛則開出之屬也闊陋若三台星相去遠近也

及五星所行合散犯守陵歷鬪食

孟康曰合同舍也散五星有變則其精散為祲星也犯七寸以內光芒相及也凌相冒過也食

星月相凌不見者則所蝕也韋昭曰自下往觸之曰犯居其宿曰守經之為歷突掩為凌星相擊為鬪也

彗孛飛流日月薄食

張晏曰彗所

也孛氣似彗飛流謂飛星流星也孟康曰飛絕迹而去也流光迹相連也日月無光曰薄京房易傳曰日月赤黃為薄或曰不交而食曰薄韋昭曰氣往迫之為薄虧毀曰食也

暈適

背穴抱珥重蜺

孟康曰皆日旁氣也適日之將食先有黑之變也背形如背字也欠多作

蜺讀曰蜺蜺謂之重表云雄為重雌為蜺凡氣食日上為冠為戴在旁直對為珥在旁如半環向日為抱向外為背有氣刺日為鏑鏑扶傷也

迅雷風祲怪雲

變氣此皆陰陽之精其本在地而上發于天者也政失於此則變

見於彼猶景之象形鄉之應聲

師古曰鄉讀曰響

是已明君觀之而寤飭身

正事思其咎謝則禍除而福至自然之符也中宮天極星其一明

者泰一之常居也旁三星三公或曰子屬後句四星末大星正妃

餘三星後官之屬也環之匡衛十二星藩臣皆曰紫宮前列直斗

口三星隨北端銳若見若不見曰陰德或曰天一紫宮左三星曰

天槍右四星曰天棊蘇林曰音棊打之棊師古曰棊音白講反後十七星絕漢抵營室曰閣道

北斗七星所謂璇璣玉衡已齊七政杓攜龍角孟康曰杓斗柄也龍角東方宿也攜連也衡殷

南斗魁枕參首晉灼曰衡斗之中央殷中也用昏建者杓杓自華已西南孟康曰傳曰斗第七星法太白

主杓斗之尾也尾為陰又其用昏昏陰位在西方故主西南夜半建者衡衡殷中州河濟之間孟康曰假令杓昏建寅衡夜半

亦建寅也平旦建者魁魁海岱呂東北也孟康曰傳曰斗魁第一星法為日主齊魁斗之首首陽也又其用在明陽與明德在東方

故主東方斗為帝車運于中央臨制四海分陰陽建四時均五行移節

度定諸紀皆繫於斗斗魁戴筐六星曰文昌宮晉灼曰似筐故曰戴筐一曰上將

二曰次將三曰貴相四曰司命五曰司祿六曰司災在魁中貴人

之牢

孟康曰傳曰天理四星在斗魁中貴人斗名曰天理也

魁下六星兩兩而比者曰三能

蘇林曰能音台

三能

色參君臣和不參為乖戾柄輔星

孟康曰在北斗第六星旁

明近輔臣親彊斥小疏

弱

蘇林曰斥遠也

杓端有兩星一內為矛招搖

孟康曰近北斗者招搖招搖為天矛晉灼曰梗河三星天矛鋒招搖一星耳

一

外為盾天繕

晉灼曰外遠北斗也

有句圜十五星屬杓曰賤人之牢牢中

星實則囚多虛則開出天一槍梃矛盾動搖角大兵起

李奇曰角芒角

東宮蒼龍房心心為明堂大星天王前後星子屬不欲直直王失

計房為天府曰天駟其陰右驂旁有兩星曰矜矜北一星曰華

晉灼

曰華古

東北曲十二星曰旗旗中四星曰天市天市中星眾者實其

中虛則耗房南眾星曰騎官左角理右角將大角者天王帝坐廷

其兩旁各有三星鼎足句之曰攝提

晉灼曰如鼎足之句曲也

攝提者直斗杓所指

已建時節故曰攝提格亢為宗廟主疾其南北兩大星曰南門氏

為天根主疫尾為九子曰君臣斥絕不和箕為敖客后妃之府曰

口舌火犯守角則有戟房心王者惡之

南宮朱鳥權衡

孟康曰軒轅爲權太微爲衡也

衡太微三光之廷筐衛十二星藩臣西

將東相南四星執法中端門左右掖門掖門內六星諸侯其內五

星五帝坐後聚十五星曰哀鳥即位旁一大星將位也月五星順

入軌道司其出所守天子所誅也其逆入若不軌道已所犯名之

中坐成形

晉灼曰中坐犯帝坐也成形禍福之形見

皆羣下不從謀也金火尤甚廷藩西有隨

星四名曰少微士大夫

權軒轅黃龍體

孟康曰形如騰龍

前大星女主象

旁小星御者後宮屬月五星守犯者如衡占東井爲水事火入之

一星居其左右天子且巳火爲敗東井西曲星曰戌北北河南南

河兩河天闕間爲關梁輿鬼鬼祠事中白者爲質

晉灼曰輿鬼五星其中白者爲質

火

守南北河兵起穀不登故德成衡觀成漢

晉灼曰日月五星不軌道也衡大微廷也觀占也漢五潢五帝車舍

也傷成戊

晉灼曰賊傷之占先成形於戊

禍成井

晉灼曰東井主水事火入一星居其旁天子且巳火敗故曰禍也

誅成質

晉灼曰熒惑入

與鬼天質占
曰大臣有誅

柳為鳥喙主木草七星頸為員宮主急事張嗑為廚主觴

客翼為羽翮主遠客軫為車主風其旁有一小星曰長沙星星不

欲明明與四星等若五星入軫中兵大起軫南眾星曰天庫庫有

五車車星角若益眾及不具亡處車馬

西宮咸池曰天五潢五潢五帝車舍火入旱金兵水水中有三柱

柱不具兵起奎曰封豨為溝瀆婁為聚眾胃為天倉其南眾星曰

膺積

如清曰芻藁
積為膺也

昂曰旄頭胡星也為白衣會畢曰罕車為邊兵主弋

獵其大星旁小星為附耳附耳搖動有讒亂臣在側昂畢間為天

街其陰陰國陽陽國

孟康曰陰西南象坤維河山
已北國也陽河山已南國也

參為白虎三星直者是為

衡石

孟康曰參三星者白虎
宿中東西直似稱衡也

下有三星銳曰罰

孟康曰在參間上小下大故曰銳
晉灼曰三星小邪列無銳形也

為

斬艾事其外四星左右肩股也小三星隅置曰觜觿為虎首主葆

旅事

如淳曰關中俗謂桑榆葉生為葆晉灼曰禾野生曰旅今之飢
民采旅也宋均曰葆守也旅軍旅也言佐參伐斬艾除凶也

其南有四星曰天

廁天廁下一星曰天矢矢黃則吉青白黑凶其西有句曲九星三

處羅列一曰天旗二曰天苑三曰九斿其東有大星曰狼狼角變

色多盜賊下有四星曰弧直狼比地有大星曰南極老人晉灼曰比地近地也

老人見治安不見兵起常曰秋分時候之南郊

北宮玄武虛危危為蓋屋宋均曰危上一星高旁兩星下似蓋屋也虛為哭泣之事宋均曰蓋屋之下中無火

但空虛似平殯宮故主哭泣也其南有眾星曰羽林天軍宋均曰虛危營室陰陽終始之處際會之間恒多姦邪故設羽林為軍衛軍西

為壘或曰戊旁一大星北落北落若微亡軍星動角益稀及五星

犯北落入軍軍起火金水尤甚火入軍憂水水患木土軍吉孟康曰木星土

星入北落軍則吉也危東六星兩兩而比曰司寇營室為清廟曰離宮閣道漢

中四星曰天駟旁一星曰王梁王梁策馬車騎滿野旁有八星絕

漢曰天橫天橫旁江星江星動曰人涉水杵曰四星在危南匏瓜

有青黑星守之魚鹽貴南斗為廟其北建星建星者旗也牽牛為

犧牲其北河鼓河鼓大星上將左左將右右將婺女其北織女織

女天女孫也

歲星

晉灼曰太歲在四仲則歲行三宿太歲在四孟四季則歲行二宿二八十六三四十二而行二十八宿十二歲而周天

曰東方春木於人五

常仁也五事貌也仁虧貌失逆春令傷木氣罰見歲星歲星所在

國不可伐可已伐人超舍而前為贏退舍為縮贏其國有兵不復

縮其國有憂其將死國傾敗所去失地所之得地一曰當居不居

國亡所之國昌已居之又東西去之國凶不可舉事用兵安靜中

度吉出入不當其次必有天祲見其舍也歲星贏而東南

孟康曰五星東行天西轉

歲星晨見東方行疾則不見不見則變為祲星

石氏見彗星甘氏不出三月廼生彗本類星末類

彗長二丈贏東北石氏見覺星甘氏不出三月廼生天棊本類星

末銳長四尺縮西南

孟康曰歲星當伏西方行遲早沒變為祲星也

石氏見櫬雲如牛

韋昭曰櫬音參差之參

甘

氏不出三月廼生天槍左右銳長數丈縮西北石氏見槍雲如馬

甘氏不出三月乃生天欒本類星末銳長數丈石氏槍欒梃彗異狀其殃一也必有破國亂君伏死其辜餘殃不盡爲旱凶飢暴疾至日行一尺出二十餘日廼入甘氏其國凶不可舉事用兵出而易所當之國是受其殃又曰祆星不出三年其下有軍及失地若國君喪

熒惑

晉灼曰常呂十月入太微受制而出行列宿司無道出人無常也

曰南方夏火禮也視也禮虧視失逆夏

令傷火氣

罰見熒惑逆行一舍二舍爲不祥居之三月國有殃五月受兵七月國半亡地九月地太半亡因與俱出入國絕祀熒惑

爲亂爲賊爲疾爲喪爲飢爲兵所居之宿國受殃殃還至者雖大

當小居之久殃乃至者當小反大已去復還居之若居之而角者若動者繞環之及乍前乍後乍左乍右殃愈甚一曰熒惑出則有大兵入則兵散周還止息廼爲其死喪寇亂在其野者亡地已戰

不勝東行疾則兵聚于東方西行疾則兵聚于西方其南爲丈夫喪北爲女子喪熒惑天子理也故曰雖有明天子必視熒惑所在

太白

晉灼曰常呂正月甲寅與熒惑晨出東方二百四十日而入入四十日又出西方二百四十日而入入三十五日而復出東方出呂寅戌入呂丑未也

曰西方秋

金義也言也義虧言失逆秋令傷金氣罰見太白日方南太白居其南日方北太白居其北爲羸侯王不寧用兵進吉退凶日方南太白居其北日方北太白居其南爲縮侯王有憂用兵退吉進凶當出不出當入不入爲失舍不有破軍必有死王之憂有亡國一曰天下偃兵壅有兵者所當之國大凶當出不出未當入而入天下偃兵兵在外入未當出而出當入而不入天下起兵有至破國未當出而出未當入而入天下舉兵所當之國亡當期而出其國昌出東爲東方入爲北方出西爲西方入爲南方所居久其國利易其鄉凶

蘇林曰疾過也一說易鄉而出入也晉灼曰上言出而易言疾過是也

入七日復出將軍戰死入十日

復出相死之入又復出人君惡之已出三日而復微入三日廼復

盛出是爲夷而伏晉灼曰夷退也不進而伏伏不見也其下國有軍其衆敗將北已入三

日又復微出三日廼復盛入其下國有憂帥師雖衆敵食其糧用

其兵虜其帥出西方失其行夷狄敗出東方失其行中國敗一曰

出蚤爲月食晚爲天祚及彗星將發於亡道之國太白出而留桑

榆閒病其下國晉灼曰行遲而下也正出舉目平正出桑榆上餘二千里也上而疾未盡期日過參天病

其對國晉灼曰三分天過其一此戌酉之間也太白經天天下革民更王孟康曰謂出東入西出西入東也太白陰星出東當

伏東出西當伏西過午爲經天晉灼曰日陽也日出則星亡晝見午上爲經天是爲亂紀人民流亡晝見與日爭明彊

國弱小國彊女主昌太白兵象也出而高用兵深吉淺凶卑淺吉

深凶行疾用兵疾吉遲凶行遲用兵遲吉疾凶角敢戰吉不敢戰

凶擊角所指吉逆之凶進退左右用兵進退左右吉靜凶圜曰靜

用兵靜吉趨凶出則兵出入則兵入象太白吉反之凶赤角戰太

白者猶軍也而熒惑憂也故熒惑從太白軍憂離之軍舒出太白之陰有分軍出其陽有偏將之戰當其行太白還之破軍殺將辰星殺伐之氣戰鬪之象也與太白俱出東方皆赤而角夷狄敗中國勝與太白俱出西方皆赤而角中國敗夷狄勝五星分天之中積于東方中國大利積于西方夷狄用兵者利辰星不出太白爲客辰星出太白爲主人辰星與太白不相從雖有軍不戰辰星出東方太白出西方若辰星出西方太白出東方爲格野雖有兵不戰辰星入太白中五日乃出及入而上出破軍殺將客勝下出客亡地辰星來抵太白不去將死正其上出破軍殺將客勝下出客亡地視其所指已名破軍辰星繞環太白若鬪大戰客勝主人吏死辰星過太白閒可械劒小戰客勝

蘇林曰械音匣匣容也其間可容一劒也

居太白前旬三

日軍罷出太白左小戰歷太白右數萬人戰主人吏死出太白右

去三尺軍急約戰凡太白所出所直之辰其國爲得位得位者戰

勝所直之辰順其色而角者勝其色害者敗晉灼曰鄭色黃而赤倉小敗宋色黃而赤黑小敗楚色赤黑小

敗燕色黑黃小敗皆大角勝也太白比狼赤比心黃比參右肩青比參左肩黑比奎

大星色勝位晉灼曰有色勝得位也行勝色晉灼曰太白行得度勝有色也行得盡勝之晉灼曰行應天度雖有色得位行盡勝之

行重而色位輕星經傳得字作德

辰星晉灼曰常以二月春分見奎婁五月夏至見東井八月秋分見角亢十一月冬至見牽牛出以辰戌入以丑未二句而入晨候之東方夕候之西方也曰北方冬

水知也聽也知虧聽失逆冬令傷水氣罰見辰星出蚤爲月食晚

爲彗星及天妖一時不出其時不和四時不出天下大饑失其時

而出爲當寒反溫當溫反寒當出不出是謂擊卒兵大起與它星

遇而鬪天下大亂晉灼曰厭星彗孛之屬也一曰五星出於房心間地動

填星晉灼曰常以甲辰元始建斗之歲填行一宿二十八歲而周天也曰中央季夏土信也思心也仁義禮

智己信爲主貌言視聽己心爲正故四星皆失填星廼爲之動填

星所居國吉未當居而居之若已去而復還居之國得土不廼得
女子當居不居旣已居之又東西去之國失土不廼失女不有土
事若女之憂居宿久國福厚易福薄當居不居爲失填其下國可
伐得者不可伐其羸爲王不宣縮有軍不復一曰旣已居之又東
西去之其國凶不可舉事用兵失次而上一舍三舍有王命不成
不廼大水失次而下二舍有后惑其歲不復不廼天裂若地動凡
五星歲與填合則爲內亂與辰合則爲變謀而更事與熒惑合則
爲飢爲旱與太白合則爲白衣之會爲水太白在南歲在北名曰
牡牡晉灼曰歲陽也太
白陰也故曰牡牡年穀大孰太白在北歲在南年或有或亡熒惑
與太白合則爲喪不可舉事用兵與填合則爲憂主孽卿與辰合
則爲北軍用兵舉事大敗填與辰合則將有覆軍下師與太白合
則爲疾爲內兵辰與太白合則爲變謀爲兵憂凡歲熒惑填太白

四星與辰鬪皆為戰兵不在外皆為內亂一曰火與水合為淬

晉灼曰火

入水故曰淬也

與金合為鑠不可舉事用兵士與金合國亡地與木合則國

饑與水合為雍沮

晉灼曰沮音沮溼之沮水性雍而潛土故曰雍沮一曰雍填也

不可舉事用兵木與金合

鬪國有內亂同舍為合相陵為鬪二星相近者其殃大二星相遠

者殃無傷也從七寸曰內必之

韋昭曰必有禍也

凡月食五星其國必亡

李奇曰謂

其分野之國

歲曰飢熒惑曰亂填曰殺太白彊國曰戰辰曰女亂月食大

角王者惡之凡五星所聚宿其國王天下從歲曰義從熒惑曰禮

從填曰重

韋昭曰謂以威重得

從太白曰兵從辰曰法曰法者曰法致天下也

三星若合是謂驚立絕行

晉灼曰有兵喪故驚改主故曰絕也

其國外內有兵與喪民人

乏飢改立王公四星若合是謂大湯

晉灼曰湯猶溫滌也

其國兵喪並起君子

憂小人流五星若合是謂易行有德受慶改立王者掩有四方子

孫蕃昌亡德受罰離其國家滅其宗廟

晉灼曰宗祖廟也

百姓離去被滿四

方五星皆大其事亦大皆小其事亦小也凡五星色皆圜白爲喪
爲旱赤中不平爲兵青爲憂爲水黑爲疾爲多死黃吉皆角赤犯
我城黃地之爭白哭泣之聲青有兵憂黑水五星同色天下偃兵
百姓安宣歌舞已行不見災疾五穀蕃昌

凡五星

歲緩則不行急則過分逆則占

災惑緩則不出急則不入違道則占

填緩則不建急則過舍逆則占

太白緩則不出急則不入逆則占

辰緩則不出急則不入非時則占

五星不失行則年穀豐昌

凡已宿星通下之變者維星散句星信則地動

孟康曰散在尾北
韋昭曰信音申

有星守

三淵天下大水地動海魚出紀星散者山崩不卽有喪龜鼃星不

居漢中川有易者辰星入五車大水熒惑入積水水兵起入積薪

旱兵起守之亦然極後有四星名曰句星斗杓後有三星名曰維

星散者不相從也孟康曰散不復行列而聚也三淵蓋五車之三柱也晉灼曰柱音天紀

屬貫索積薪在北戌西北積水在北戌東北

角亢氐沆州房心豫州尾箕幽州斗江湖牽牛婺女揚州虛危青

州營室東壁并州奎婁胃徐州昂畢冀州觜觿參益州東井輿鬼

雍州柳七星張三河翼軫荊州甲乙海外日月不占晉灼曰海外遠甲乙日時不以古之丙

丁江淮海岱戊己中州河濟庚辛華山己酉壬癸常山己北一曰

甲齊乙東夷丙楚丁南夷戊魏己韓庚秦辛西夷壬燕趙癸北夷

子周丑翟寅趙卯鄭辰邯鄲巳衛午秦未中山申齊酉魯戌吳越

亥燕代秦之疆候太白占狼弧吳楚之疆候熒惑占鳥衡燕齊之